

Auchean Pwrousen Opposun Maater

- **Maater ew semwen mei aweires** mei tongeni fori an aramas repwe etiwano angang, aweiresir ar repwe tumwunu aramasar ika fen tonong non pioing. Chomong aramas me non U.S. ir mei mano ren semwenin maater iteiten ier.
- **Ewe opposun eppetin maater ina ew mettoch mei mwirino an epwe eppetuk me aramasom seni ewe maater**, mei pwan ekisano choun semwenin maater epwe toruk.
- **Ewe opposun eppetin maater mei tumwunoech me mwirino.** Million aramas ir mei angei iteiten ier ren ar repwe pochokun.
- **Mei chok ukukkun fitu minich an emon epwe angei ewe opposun eppetin maater—me pwan kisikis mon ika ese fen kamo.** Non Oregon, en mei tongeni angei ei opposun eppet me non ewe pioing ren noum dokter ika me non ewe nenien angang safei. Ina mwo ika ese wor noum insurance, mei wor ekkoch neni en mei tongeni no ngeni nge ese wor emon epwe niwin fan iten an ese tufichin moni ewe opposun eppetin maater.
- **Meinisin wonu maram ika nap seni repwe angei ei opposun eppetin maater**, pachenong semirit, mei mwuuk me chinap. Ren semirit kukkun seni ruu me aramas ra nap seni 65, mei wesen auchea pwe epwe ekisatiw choun semwen ngenir.
- **Ika kose angei ewe opposun eppet, en mei tongeni acheu fetanei ewe maater** me mwen kopwe mefi ekkewe esisin.
- **Mei auchea angei ewe opposun eppet iteiten ier** pokiten ewe monun maater mei tongeni siwin seni ier me ier. Non ew me ew ier, ewe opposun eppet mei ekesiwin an epwe tapwei monun semwen mine mei achou semwen ngeni aramas.
- **Mei mwirino angei ei opposun eppet non fansoun fall ika me mwen epwe patepat fonu—nepoputan fansoun maater.** Ika tufichin angei ewe opposun eppet non fall, en mei chiwen chok tongeni kopwe angei inet chok a mwitir. Ese wor mang ika ka tongeni angei ewe opposun eppetin maater inet chok fansoun omw tawe.
- Ina mwo ika kose mwo piin semwen ren ewe maater, **en mei tongeni anisi aramasom ekkewe ra muukono me chon arumw ar repwe pochokun ren omw angei ewe opposun eppet.**
- **Ekkewe mei wirir semwenin mwi, semwenin suke ika ngasangas ika ngaw ar amat ir mei mecheres** epwe torir choun semwen ika rese angei ewe opposun eppetin maater.
- **Ewe opposun eppetin maater ese tongeni ngonuk ewe maater, me weiresin ewe opposun eppet mei chok kisikis me pwan mwitir wesino.** Weiresin ewe oppos epwe wor metek mokur ika

metek sopwun paaw nge mei wesino mwirin ew ika ruu raan.

- Non Oregon, en mei tongeni angei ei opposun eppet me non ewe pioing ren noum dokter ika me non ewe nenien angang safei—kopwe pwan koko pwe kopwe fateoch ngeni fansoun me fori appointment ika mei tufich.

- **Ren aninisin kopwe sinei ian epwe wor ian ewe opposun eppetin maater, kokori 211 ika katon ewe VaccineFinder.org.**
- **Ika mei wor omw kapas ais ren ewe opposun eppetin maater, kokori noumw ewe dokter.**

Auchean Pworousen Opposun Maater + COVID-19

- **Angei ewe opposun eppetin maater a fakkun auchea non ei ier, pokiten chomong aramas ra semwen ren ei COVID-19.**
- **Ina mwo ika napengeni ka chok nonom neimw non ei fansoun chounon semwen,** en mei chok chiwen tongeni angei me acheu fetani ewe maater. Angei ewe opposun eppet en mei pwan anisi aramasom repwe pochokun.
- **Ekkewe aramas ra semwen ren ewe COVID-19 epwe pwan nap ngeni an epwe torir ewe semwenin maater.** Chomong me neich mei wor atongeach mei watte ar semwen me

mecheres epwe torir semwen ika pwe repwe churi emon mei COVID-19.

- Eppeti ewe maater non ei fansoun semwen epwe anisi ach kewe pekin tumunu semwen an epwe pochokun. Nupwen omw angei ewe opposun eppetin maater, ka pwan anisi ekkewe kukkun semirit, mei muukono me ekkewe mei watte ar semwen ar resapw tori pioing, epwe pwan muut ngeni chon angang non pioing repwe tumwunu ekkewe mei menei safei non atapwanapwan.